



Malittarisassat



**Nuummi Kollegia Aappaluttumut
GUX Nuummut tikilluarit.**

Malittarissat uku kollegia
aappaluttumut tamarmut aamma
Børnehjemsvejimi kollegiamut
atuuppoq.



Kollegiami inuunermut malittarisassat

Aallaqqaasiut

Kikkut tamarmik uagutsinni najugaqarusuttut malittarisassat uani nassuiarneqartut akueralugillu malissavaat.

Nuummi GUX-ip kollegiaani sulissutigilluarparput kollegiami ineqartunut atuartuutitsinnut ullup sapinngisamik namminneq ilaquuttaminni angerlarsimaffimminnisut ingerlasarnissaa.

Kisianni aammattaaq sillimaffigisariaqarpoq namminersorluinnartuulluni najugaqartuuneq, ingammik inuusuttut 18-it inorlugit ukiullit, tassami ulloq unnuarlu nakkutilliisoqartanngimmat, atuartulli namminneq akisussaaffigaat ullaakkut makittarnissaq.

Immikkut pisoqartillugu piffissami sivikitsuinnarmi ullaakkut itersartinnissamut ikiuisoqarsinnaavoq, kisianni tamanna pisussaannartut isigineqassanngilaq, tassalu tamanna taamaallaat piffissami sivikitsuinnarmi atuuttarluni.

Kollegia pigaartunut telefoneqartitsivoq. (takuuk matutta eqqaanniittoq skema), kisianni aammattaaq Matu-mi pigaartuusartoqarfiup tlf.normua 349999, tassani pigaartuusut suliffiup nalinginnaasup avataatigut marloriarluni misissuiartortarlutik sianerfigineqarsinnaallutilluttaaq matuersaat katassimagaanni isersinnaananilu, imaluunniit naleqqutinngitsumik nipiliortoqarnerani toqqissisimanngikkaanni imaluunniit piffissap suliffiusup avataani aamma sapaatit akunnerisa naaneranni toqqissisimananngitsumik pissusilersortoqarnerani.

Kisianni imminnut taamak qanitsigaluni inuuneqarneq tamanit annertuumik piunasaqaatitaqarpoq. Pingaartorujussuuvoq uagut tamatta ataatsimoorbitsinni *ataatsimut killissariti-taasut tamatsinnut maani atuuttut naapertorlugit immitsinnut akueralutillu ataqqinissaat. Taavalu ikioqatigiinneq najugaqarnermi atuuttoq, soorlu pisatanik nutserinermi ikiuunneq, aammalu apummik nivannerit, aasakkullu silataata kusanartuutinnissaa, minnerungitsumillu ataatsimoorfiusuni torsuusani (gang-ini) asaanerit, taakkulu torsuusaqarfikkaarlugit skemaqarput.*

Atuartuutivut tamarmik kollegiami najugaqarnerminni nuannersumik atugaqarnissaat kissaatigaarput!



Kollegiaativut ukuupput:

Atuarfimmi namminermi: Kollegia Aappaluttoq – tassani najugaqarput atuartut 90-100-t. Kollegia Aappaluttoq atuartunit 18-it inorlugit ukiulinnut naatsorsuussaanneruvoq. 1. G.-mi atuartut tamangajammik tassani najugaqarlutik aallartittarput. Kollegia Aappalaartumi ikittunnguanik inissiaqarpoq anaananut, GUX-imi atuartunut, kisimiittunut qitornalinnut naatsorsuussaasunik.

Atuarfiup avataani kollegia:

Kollegiaaterput avataaniittoq ilaqutariinnut naatsorsuussaavoq, ataatsimik qitornalinnut atuartuut naatsorsuussaalluni.

- Børnehjemsvej 5. Katillugit tallimanik initaqartumik atuartunut ataatsimik qitornalinnut.

Kollegiaatitsinnut isumaginninnermik ilinniagaqartunik sulisunik sisamanik atorfeqartitsivugut, taakku ulluunerani aamma ilaannikkut unnukut sulisarput. (Takuuk pigaartuusartunut skema matutsinniittoq). Piffissap avataatigut ikiuisoqarnissaanik pisariaqartitsisoqalissagaluarpur kollegiami atuartut allanik periarfissaqarput ikiortissarsionnissaminnut.

MATU security (kollegiap ammasarfiisa avataatigut): 32 39 39.

Kollegiap pigaartuusarnermut telefonia (skemalersugaq): 52 24 07.

Tamatuma saniatigut atuarfiup rektoria (Hanne Larsen) tamatigut telefonnormumi uani attaveqarfigineqarsinnaasarpog: 22 60 55.

Atorfilittavut suliffiup nalinginnaasup avataatigut attaveqarfigineqarsinnaapput.

Ninna Esrassen, tlf. 22 58 56. Kollegiamut qinnuteqaatit aamma qanoq atugaqarneq pillugu oqaloqatiginninnerit, kiisalu ilitsersuisarneq aamma kollegiami siunnersuisarneq.

Ole Christian Fritsen (OC), tlf. 58 57 98. Kollegiami pedeli, atuarfiup avataani kollegiami, kiisalu qanoq atugaqarneq pillugu oqaloqatiginninnerit.

Suleqaterput nutaaq tlf. 49 39 49. Qanoq atugaqarneq pillugu oqaloqatiginninnerit aamma ingerlatat pillugit.

Arkalo Skifte tlf. 48 25 19. Torsuusami akisussaasuusog, qanoq atugaqarneq pillugu oqaloqatiginninnerit.



Angajoqqaat aamma allat qanitarisat tamatigut atorfilik
attaveqarfigisinnaasassavaat – imaluunniit GUX-Nuummi allaffik arlaannik
pisoqariataartoqartillugu. Atuarfiup allaffia atuarfiup ammasarfiini
attaveqarfigineqarsinnaavoq tlf.: 36 33 80. Atuarfiup rektoria tamatigut
attaveqarfigineqarsinnaasarpoq: 22 60 55. Ulloq unnuarlu.

Mianersoqqussutit / kinguneqartitsinerit

Avoqqaarliuteqartoqassaaq atuartoq atuarfiup/kollegiap malittarisassaanik
unioqqutitsippat imaluunniit atuartut pisussaaffitik isumaginngippatigik
(ilaatigut eqqiaaneq imaluunniit skema malillugu igaffimmi suliassat), aamma
rektorip nalilerpagu pissusilersorneq arlaannik iliuseqarfigisariaqartoq.
Pissusilersorneq taamaatinneqanngippat rektorip nalilersinnaavaa
mianersoqqussummik kinguneqarsinnaanersoq. Arlaleriarluni unioqqutitsinerit
imaluunniit sakkortuunik unioqqutitsinerit ingerlaannartumik atuutilersumik
atuarfimmit anisitaasoqarsinnaavoq. Unioqqutitsineq ima sakkortutigisinnaavoq
atuartoq ingerlaannartumik atuutilersumik atuarfimmit anisitaasinnaalluni
(soorlu assersuutigalugu aannajaarniutitortoqartillugu imaluunniit
aannajaarniutinik imaluunniit imigassamik tuniniaasoqartillugu.)

Imigassaq

Imigassartorneq sunaluunniit kollegiani ineqarfiusuni tamani
inerteqqutaalluinnarpoq. Kollegiani imigassartoraanni siullermik allakkatigut
mianersoqqussummik tunniussisoqassaaq, kisianni aammattaaq
ingerlaannartumik atuutilersumik anisitsisisoqarsinnaavoq, kiisalu
taamaalioqqittoqarpat tamatuma kingunerissavaa ingerlaannartumik anisitaaneq.

Ikuallattoqarpat

Ikuallattoqartillugu ingerlaannartumik nillianikkut kollegiami atuartut
tamarmik tamatuminna kalerrisaarneqassapput, aamma qulakkeerseqassaaq
kikkut tamarmik illumit anisimanissaat. Ikuallattoqarneranut kalerrisaarut
aallartiguk! Tamatuma kingornatigut 112-imut qatserisartunut sianertoqassaaq,
aamma pigaartuusartut sulliviat ingerlaannartumik attaveqarfigineqassalluni.

Pigaartuusartut sulliviat attaveqarfigisartagarput tassaavoq MATU security.
Taakku rektori saaffigissavaat. Ikuallanneq annertunngippat ikuallannermut
qatserutitut atortoq kollegiamiittoq/torsuusaniittoq (gangini) atorlugu
qatserisoqassaaq. Ikuallattoqarneranut iliuserisassamut ilitserisut
pinngitsoorani atuarneqassaaq, taanna illuni/immikkoortortaqaarfinni
ataasiakkaani takussaavoq.

Eqqaamajuk qatserutit pulverertallit taamaallaat ikuallattumut atorneqassamma-
ta, pinnguarnermuunngitsoq. Pinngitsoornata atorneqarsinnaanerat isumannaar-
tussaavarput.

Ikuallattoqartillugu qimarngutitsinissamut sungiusarnerit ikinnerpaamik ukiumut
ataasiarluni ingerlanneqartarput.

Atuarfiup pedelia qaammammut ataasiarluni ikuallattoqarneranut kalerrisaarutit



tamaasa misissortarpai, aamma ininiittut. Inerteqqutaavoq illuni assigiinngitsuni kogepladit matorneqartarnissaat.

Ikuallattoqarnerani kalerrisaarut

Ikuallattoqarnerani kalerrisaarutit atuarfiup isumannaatsuutinissaanut pingaarluinnartut ilagaat. Taamaattumik arlaatigulluunniit attorneqanngisaannassapput. Ikuallattoqarnerani kalerrisaarutit atorneqarnissaa ajornakusoorpat (soorlu assersuutigalugu qallerneqarsimappat) atuartoq tamatuminnga akisussaaasuusoq kollegiami atorfilinnit aamma rektorimit oqaloqatiginiarneqassaaq. Atuarfiup kollegiaanit ingerlaannartumik atuutilersumik anisitaasoqarsinnaavoq. Atuartoq pineqartoq akisussaaavoq nammineq inimini qanoq pisoqarneranut.

Ikuallattoqarnermi kalerrisaarut nillialissagaluarpat qatserisartullu takkullutik paasigunikku kalerrisaarut passunneqarsimasooq, taava atuartoq tamatuminnga akisussaaasuusoq tamatumunnga atuarfiup aningaasartuutaanik akiliisussanngortinneqassaaq (massakkut 10.000 kr.-it miss.)?

Ikuallattoqarnissaanut isumannaatsuunissamut, TORSUUSANI PISATAQASSANNGILAQ, SOORLU MAKKUNINNGA: KAMIPPANNIK, ATISANUT NIVINNGAAVINNIK, NUTSERNERMUT KARSINIK IL.IL.

Naneruutit ikualaatoortitsisinnaasut

Ikuallaatoortitsisinnaasut: Ikuallaatoortoqarnissaa pissutigalugu inini imaluunniit inini ataatsimoortarfinni naneruuteqartoqassanngilaq. Aamma errortanut panersiiviit, pequtit, kamippaat allallu torsuusamiissanngillat.

E-cigarettit imaluunniit cigarettit nalinginnaasut:

Inerteqqutaavoq E-cigarettinik imaluunniit cigarettinik nalinginnaasunik illup iluani, atuarfimmi imaluunniit kollegiani pujortartarnissaq. Ikuallannermi kalerrisaarut atuartup e-cigarettinik pujortarneranit aallartippat atuartup qatserisartut takkunnerannut aningaasartuutit akilissavai.

Taarsiissuteqarnissamut akisussaaasuuneq

Naatsorsuutigineqarpoq atuarfiup atortui peqqissaarunneqarnissaat mianerineqarnissaallu. Atornerluisoqarsimappat, aserorterisoqarpat, aseruisoqarpat il.il. akisussaaasuusoq taarsiissuteqarnissamut piumasaqarfigineqassaaq. Kollegiani najugaqartut pulaartimik aserugaannut akisussaatinneqassapput.

Facebook

Facebookimi gruppeqarpoq "Det Røde kollegie" (Kollegia Aappaluttoq). Aamma atuarfiup avataaniittumut kollegiamut. Eqqaamallugu inuit kikkut tamarmik takusinnaasaanni pitsaasumik ileqqoqarnissaq. Gruppi kollegiami atorfilinnit aallartinneqassaaq atorneqassallunilu illumi maani pilertortumik attaveqartarnissamut.



Feeriarnermut pilersaarut

Atuarfik ukiut tamaasa ukiumut pilersaarusiortarpoq ukiup qanoq ilineratigut feeriartoqarnissaanik nalunaarsuisumik.

Kollegiat aasaanera feeriarneq naallugu matoqqasarput

Taamaattumik feeriarnermi kollegianiittoqarsinnaangilaq. Aasaanerani feerialinnginnermi inigisami pisatat poortorneqassapput eqqiaasoqarlunilu.

(Imaassinnaavoq naliliisoqartoq inip qalipannissaa pisariaqarluni) Aasaanerani feeriartinnak imaassinnaavoq nalunaarfigineqartutit ukiumi atuarfiusumi tulliuttumi allamut inimut nuussasutit. **Tamanna Kollegiamut Aappaluttumut aamma kollegiamut avataaniittumut atuuppoq.**

Atuanngitsoorneq

Atuarfimmi akuerinngilluinnarparput atuanngitsoortarneq. Napparsimangikkuit aamma/imaluunniit nakorsianngikkuit, taava *atuassaatit*. Atuanngitsoornermut atatillugu immikkut pisoqartillugu atuarfiup angajoqqaat attaveqarfigissavai. Angajoqqaat aammattaaq saaffigineqarsinnaapput aarlerinartumik pissuseqartoqarpat. Tamanna pissaaq atuartup isumasioqatigereerneratigut.

Atuanngitsoortoqarnermi iliuuserisassatut pilersaarutit pillugit atuarfiup coachianik oqaloqatiginnittassatit.

Nutserneq

Kollegiamit nutsernermi ini sulisunit tamatigut misissorneqassaaq atuartoq peqatigalugu. Arlaannik amigaateqarpat imaluunniit aserorsimasoqarpat tamanna nalunaarneqassaaq, atuartullu amigaataasut atsiorlugit uppernarsassallugu. Nutsernermi atuartup pisatani namminerminut tunngasut tamaasa piissavai (eqqaamallugu aammattaaq sikaaviit aamma nillataartitsiviup inimi ataatsimoortarfimmiittup imaarnissaat). Pisatat qimatat iginneqassapput.

Ineeraq eqqiarneqarsimangippat, imaluunniit atuartoq atortut ilaannik aseruisimappat, imaluunniit arlaannik inimi ajortunngortitsisimappat, tamanna nalinginnaasumik nungullarnermit pinngippat, atuartup nammineq aningaasartuuteqarfigissavai.

Imm. 2. Ilinniakkamik, ilinniarfimmiinnermik, sungiusaammik suliffeqarnermik naammassisaqarnermi, ilinniarfimi ilinniakkamik taamaatitsinermi ilinniartut ineqarfianni najugaqartoq nooreersimassaaq ulluinnaat 10-t qaangiutinnginnerini, ilinniakkap, sungiusaammik suliffeqarnerup imaluunniit uninnerani imaluunniit taamaatinnerani, taamaattoq tak. imm. 3. ¹

¹https://nalunaarutit.gl/Groenlandsk-lovgivning/2019/L-42-2019-OMTRYK?sc_lang=kl-GL



Sunnigiffimmi sammisassat

Nalinginnaasumik kajumissaarutigisarpaput atuartut sunngiffimminni sammisaqartarnissaat. Pitsaasuvoq timersornermik imaluunniit allanik periarfissanik ingerlataqartarneq. Eqqaamallugu kollegiami atorfilinnut suut tamarmik nalunaarutigineqartassammata, taamaalilluni tamakku sapaatit akunneranni pisussaaffiit pillugit pilersaarutitut ilanngunneqarniassammata.

Akiliunneqarluni angalaneq:

USF-ip ukiumoortumik ataasiarluni angerlamut angalaneq akilissavaa. Siunertaavoq angalanerup tamatuma ingammik aasaanerani feeriarnermi atorneqarnissaa, tamatumani kollegia matusarmat (tak. aasaanerani matoqqaneq).

Immikkut pisoqartillugu ukiumoortumik akiliunneqarluni angalaneq piffissami allami atorneqarsinnaavoq. Tamatuma kinguneranik aasaanerani feeriarnermi atatillugu angalanissani atuartup nammineq akilissavaa. Tamanna rektorimik isumaqatigiissutigineqassaaq. Atuarfiup allaffiani tamanna qinnutigineqassaaq. Akiliunneqarluni angalaneq aatsaat atuutilissaaq 1.G.-mi atualermermit qaammatit qulingiluat qaangiunneranni.

Ataatsimoorussatut ingerlatat aamma aaqquissuussinerit:

Ataatsimoortumik ingerlatassat neqeroortutigineqassapput kollegiami atorfillit peqatigalugit. Ingerlatassat soorlu assersuutigalugu makkuusinnaapput:

- Minihalimi fitnessernissamut sungiusarneq, sulisumik nakkutiginnittoqassaaq peqataasoqassallunilu
- Ataatsimoorluni grillerneq
- Filmeriarneq (nammineq akiliuteqartoqalaassaaq)
- Unnukkut ataatsimuualaarnerit
- Qaqqamut pisuttuarnerit
- Aamma allarpasuit – siunnersuuteqartoqassappat qujarutissavagut.

Pulaartut

Kollegiami najugaqartut ataasiakkaat akisussaaffigaat atuarfiup malittarisassai pulaartunit eqquutsinneqarnissaat. Immikkut isumaqatigiissuteqartoqartinnagu ulluinnarni pulaartoqartassanngilaq. Pulaartunik unnuisoqassappat tamarmik kollegiami atorfilimmut qinnuteqaaqarluni pisassapput.

Hash aamma aanngajaarniutit allat

Sugaluartunilluunniit aanngajaarniutit peqarneq imaluunniit atuineq ingerlaannartumik atuuttumik anisitaanermik kinguneqarsinnaavoq.

Kollegiami najugaqartup akisussaaffigissavaa inimini qanoq pisoqarnera. *Atuartup hashitorsimaneramik, imaluunniit allanik aanngajaarniutit atugaqarsimaneramik atuarfik pasitsaassaqarpat, atuartoq nakorsamit misissortinnissaanut peqqusinnaavaat. Atuartup tamanna itigartitsissutigippagu, tamanna atuarfiup tamatumin-*



nga maleruaqqusaanik unioqqutitsinermut nassuernertut isigineqassaaq, atuartorlu ingerlaannartumik atuuttumik anisinneqassalluni. Atuarfik atornerluinermut katsorsartarfimmut Allorfimmut atuartup attaveqarnissaanut attaveqaataasinnaavoq.

Angerlarsimaffimmi uumasuutit

Uumasuuteqartoqassanngilaq.

Inimut akiliut

Afregning af husleje sker automatisk. Den trækkes af din SU, inden den udbetales. Du betaler 850 kr. for at bo på Det Røde kollegie og de eksterne.

§16, (Kollegieboeren skal betale husleje månedsvis forud på det tidspunkt, der er fastsat i lejekontrakten, jf. dog stk. 4.)²

Inimut akiliut automatiskiusumik pisarpoq. Akiliut illit SU-nnit ilanngaatineqassaaq SU-p ilinnut tunniunneqannginnerani. Kollegia Aappaluttumi aamma atuarfiup avataaniittumi kollegiami najugaqarneq qaammammut 850 kr.-inik akeqarpoq.

§16 (Kollegiami ineqartup inimut akiliut akilissavaa qaammammik ataatsimik sioqqutsilluni piffissami tassani ineqarnermut isumaqatigiissummi allassimasoq malillugu, tak. imm. 4).²

Inimut akiliutip tunniunneqarnera

§36. imm. 2³ malillugu inimut akiliutip sinnera tunniunneqassaaq kollegiamit aninermi. Inimut akiliutip affaa tunniutissavarput kollegiami ini/inigisaq nutaamik attortortumik iserterfigineqarsimappat. Tassa imaappoq qaammammi qaammatip ulluini 1-niit 14-ata tungaanut inimit anisimaguit kollegiamilu ini/inigisaq nutaamik tamatuma nalaani iserterfigineqarluni, taava illit inimut akiliutivit affaa ilinnut utertissavarput.

Iserterneq

Iserternermi ini atuartumit aamma sulisunit ajoquteqarneranik misissorneqassaaq, pisattanullu allattorsimaffik atsiorneqassalluni.

Kollegiami najugaqartoq qaammatip ulluisa 15-iata kingornatigut iserterimappat inimut akiliutip affaa akilerneqassaaq.

Inimi pequtit

Inimi pisatat ininut allanut **nuunneqassanngillat** kollegiami sulisumit tamanna isu-

² https://nalunaarutit.gl/Groenlandsk-lovgivning/2019/L-42-2019-OMTRYK?sc_lang=kl-GL

³ https://nalunaarutit.gl/Groenlandsk-lovgivning/2019/L-42-2019-OMTRYK?sc_lang=kl-GL



maqatigiissutigisimatinnagu. Atuarfiup ataatsimoortarfiini pisatat nuunneqassanngillat, aamma siumut isumaqatigiissutigineqarsimatinnagu pequttat nuunneqassanngillat.

Kollegiami isumaqatigiissut atsiugaq (inimut akiliuteqartarnermut isumaqatigiissut): Iserternermi kollegiami ineqarnissamut isumaqatigiissut atsiussavat. (Kollegiamik isumaqatigiissutit assigiinngitsut atsiugassat marluupput). Tassani atsiussavatit isumaqatigiissutit, kollegiami atorfilimmut isumaqatigiissutaasut.

Kollegiami atorfillit Kollegia Aappaluttumiipput

Ajornakusoornarsinnaavoq angerlarsimaffimmit nuulluni kollegiami najugaqalerneq. Misigiguit ajornartorsiorlutit, taava kollegiami atorfillit nangaassuteqarnak attaveqarfigisinnaavatit. Periarfissaqartuaannarpoq kollegiami atorfilittatta arlaat oqaloqatiginissaat ajornartorsiutit annikitsut annertuulluunnit pillugit, taakkulu nipangiussisussaataapput.

Pinaveersaartitsilluni ilorrisimaarnissamik suliaqarneq

Pinaveersaartitsinermik suliaqarnermut atatillugu atuarpup sapinngisamik ilorrisimaarnissaa qulakkeerniarlugu kollegiami atorfillit akuttunngitsumik atuarpup kollegiami najugaqartut ilorrisimaarnissaat pillugu atuarpup oqaloqateqartarpup. Atuarpup aarlerinartumik atuarpup soortarsimappat atuarpup peqatigalugu iliuuseqarnissamut pilersarusiortoqassaaq, tassani atuarpup aamma taassuma attaveqaataa anguniakkat taakkulu ilaat pillugit suliaqassallutik kissaatigineqartutut allanngortitsineq anguniarlugu. Atuarpup piimaguni tamatigut allaffimmi oqaloqatiginninnissaanut tikilluaqqusaajuaannarpoq, atorfillillu tamanna ajornanngippat tamatigut naapitassaajuaannarput imaluunniit mobilikkut attaveqarfigineqarsinnaasarlutik, tapersersorneqarnissamik tassanngaannartumik pisariaqartitsisoqalerpat.

Pisussaaffiit:

Kikkut tamarmik pisussaaffigaat torsuusani qange-ni/immikkoortortaqarfinni igaffiit torersuunissaat, torersarsimanissaat eqqiluutsuutinnissaallu. Kollegiani tamani atuarpup ataatsimut skemaliorqartarpoq malinneqartussamik, torsuusani tamani akisussaasoqarpoq (toqqakkamik), suliassat suliarineqarsimanissaannik nakkutilliisumik.

Kollegiami atuarpup tamarmik ataasiakkaanik suliassaqartarpup, nammineq torsuusarisami imaluunniit inini ataatsimoortarfinni. Suliassat kollegiani sulisunit allatorneqartarpup, kisianni allannguisoqarnissaa atuarpup nammineq kissaatigisinnavaa. Suliassat paarlakaallugit suliarineqartarpup, atuarpup kissaatigisaa sapinngisamik akuerineqartarluni.

Pisussaaffiit torersumik piffissarlu eqqorlugu suliarineqartassapput. Suliassap nammineerluni suliarinissaa ajornakusoortinneqarpat, taava sulisut attavigneqassapput aamma/imaluunniit torsuusami ineqartunik allanik



paarlaanniartoqarsinnaalluni. Torsuusat tamarmik namminneq Facebookimi gruppeqarput, tassanilu nalunaarutigineqassaaq suliassap sularinissaa ajornartinneqalerpat.

Kollegiami najugaqarnissami piumasaqaataavoq isumaqatigiissutinik eqquutsitsisarnissaaq. Kollegiami suliassat sularisanngikkaanni tamannalu nalunaarutiginaagu, taava avoqqaarineqarnissamik tamanna kinguneqassaaq. Pingasoriarluni avoqqaarineqaraanni, tamanna kollegiap allaffiani oqaloqatigineqarnermik kinguneqassaaq, tassani eqqartorneqassalluni kollegiami najugaqarnissamat pineqartoq suli naleqquttuunersoq.

Ilinniagassanik atuakkerinissamat piffissaq aamma immikkoortortaqaqfinni eqqissisimanissaaq

Pingaartuuvoq immikkoortortaqaqfinni atuartut atuartunit allanit imaluunniit pulaartiminnit akornusersorneqartannginnissaat. Atuarfimmi lektiecafémi peqataanissamat periarfissaqarpoq. Tamatumunnga piffissaq assigiinngitsuusinnaasarpoq, taamaattumik atuarfimmi allaffimmi tamanna paasiniaruk. Imaluunniit Lectio takuuk.

Kollegiani ulluinnarni nal. 22 aamma sapaatit akunnerisa naaneranni nal. 23 EQQISSISIMASOQASSAAQ.

MATU Security:

I weekenderne samt om natten er der ikke ansatte til stede. Skulle der ske noget, kontakter eleverne vores vagtselskab, MATU.

Man kan kontakte MATU hvis der er larm eller ubudne gæster, eller anden uro. Så kommer de.

Hvis man har låst sig ude, eller mistet sin nøgle udenfor kollegiekontorets åbningstid kan man ligeledes ringe til MATU. Du skal være opmærksom på, at omhandler det tab af din nøgle, skal du betale 300 kr. for dør åbning.

Sapaatit akunnerisa naaneranni aamma unnuakkut atorfillit kollegianiinneq ajorput. Arlaannik pisoqassagaluarpat pigaartuusartutut sullissisorput MATU atuartut attaveqarfigissavaat.

MATU attaveqarfigineqarsinnaavoq nipiliortoqarpat imaluunniit qaaqqusaanngitsunik isertoqarpat, imaluunniit arlaannik eqqissiviillortoqarpat. Taava pigaartut takkutissapput.

Kollegiami allaffiup nalinginnaasumik ammasarfiata avataani imminut parnaarussimagaanni isernerlu ajulerluni, imaluunniit matuersaat katassimagaanni aammattaq MATU sianerfigineqarsinnaavoq. Maluginiassavat illit matuersaatit katassimagukku taava ammaanqarninnut 300 kr.-inik akiliuteqassagavit.

Nakorsaatit

Atuartut arlaat nakorsamit innersuussutigineqartunik nakorsaatinik pisariaqartit-sippat akisussaasuulluni kollegiami atorfilik tamanna pillugu ilisimatinneqassaaq, taamaaliornikkut nakorsaat isumannaatsumik toqqorneqarniassamat. Tamanna



kollegiami atorfilimmut isumaqatigiissutigineqassaaq.

Tamanna kollegiami atorfilimmut isumaqatigiissutigineqassaaq.

Arlaat peruluutaasinnaasumik aamma/imaluunniit anigorsinnaanngisamik nap-
paateqarpat atuarfik tamatumingga ilisimatinneqassaaq.

Nipilersuutit

Inerteqqutaanngilaq inini nipilersuuteqartoqarnissaa, kisianni nipilersortarnerit tamatigut
pisassapput *atuartut allat aamma sanilerisat mianerinissaat eqqarsaatigalugit*. Inini tama-
ni ulluinnarni nal. 22.00 eqqissisimasoqassaaq sapaatit akunnerisalu naaneranni nal.
23.00.

Matuersaatit

Atuarfiup ammasarfiini matuersaataarsersimagaanni tamanna allaffimmut inger-
laannartumik nalunaarutigineqassaaq. Atuartup matuersaat (nøglebrik) taarsissa-
vaa, taanna 200 koruuninik akeqarpoq. Allaffiup matoqqanerani matuersaataarse-
raanni 300 koruuninik akeqarpoq. (takuuk MATU).

Tamatuma kingornatigut akiligassamik tunineqassaatit.

Kollegiami inuunermi pissuserissaarnissamut malittarisassat

Kikkut tamarmik Kollegianut Maleruaqqusaq, GUX-Nuummi ABC, kollegiamut i-
serternerminni pissarsiarissavaat. Kikkut tamarmik maleruaqqusat misissussa-
vaat, aamma tamarmik atsiussavaat taakku atuarsimallugit paasisimallugillu. Ma-
leruaqqusat malinngikkaanni ajornerpaamik ingerlaannartumik atuutilersumik a-
nisitsisoqassaaq.

Allakkat

Ataasinngornerit aamma sisamanngornerit tamaasa Kollegiami Aappaluttumi al-
laffimmi allakkat aaneqarsinnaapput.

Napparsimaneq aamma angalaneq

Napparsimanermi aamma angalanerni kollegiami atorfillit nalunaarfigineqas-
sapput. Isumassarsiatsialaavortaaq Lectiomi tamatuma aamma allannissaa. Sivi-
suumik napparsimasoqartillugu atuarfik ilisimatinneqassaaq, aamma aalajangiiso-
qassalluni napparsimanerup nalaani atuarnerup qanoq nakkutigineqarsinnaanera.
Eqqaamallugu atuanngitsoornissinnut pissutaasut Lectiomi allattarnissaat.

Telefoni

Eqqaamallugu allaffimmut aamma kollegiami atorfilinnut nalunaarutigissagakku
allamik telefon normutaarnerit.

Errorsineq

Kollegiami Aappaluttumi errorsisarfeqarpoq. Kikkut tamarmik taanna ator-
sinnaavaat. Naatsorsuutigineqarpoq atuartut tamarmik errortassaasiveqarnis-



Qeqqani Ilinniarnertuunngorniarnik • Midtgrønds Gymnasiale Skole Farip Aqq. 7 • Box 1067, 3900 Nuuk
Tlf.: +299 363380 • E-mail: kontor@gu-nuuk.gl • Hjemmeside: www.gu-nuuk.gl

saat, taamaaliornikkut atisat errortassat natermiiginnassanngimmata. Feeri-
arnerit tamaasa errorsisarfik atisanik qimatanik piiasoqartarpoq.

KOLLEGIAMI ATISAT ERRORTAT TORSUUSANI PANERSENEQARTAS- SANNGILLAT, ERRORSISARFIMMI PANERSIIVIK ATORNEQARTASSAAQ IMALUUNNIIT SILAMI PANERSIIVIIT.

På de eksterne kollegier er der vaskemaskiner og tørretumblere

**Kollegiami avataaniittumi errorsiveqarlunilu panersiiveqarpoq. (EKSTERNE
KOLLEGIER???)**

Video atorlugu nakkutilliineq

Atuarfimmi aamma Kollegiami Aappaluttumi igaffinni aamma errorsisarfimmi vi-
deo atorlugu nakkutilliisoqarpoq. Rektorip kisimi video takusinnaasarpaa.

Ininik nakkutilliineq

Atuarfik imminut pisussaatippoq atuartut inaannik nakkutilliisarnissamut, soorlu asser-
suutigalugu iluarsaassisoqartannginneranut eqqiaasoqartannginneranullu atatillugu, ima-
luunniit hash allallu aanngajaarniutit pillugit maleruaqqusanik unioqqutitsisoqarneranut
pasitsaassaqaqarnermi.

Neriuppugut pitsaanerpaamik tamaani najugaqassasutit kiisalu GUX-Nuummiinnerit
nuannersumik misigisaqarfigissagit.

